



• EDITORIAL • RÂL VÊNGTU

- » SYNOD RESCUE HOME DAY VAWI 35-NA LAWM A NI
- » SYNOD CHOIR MUSIC VIDEO TLANGZARH
- » SYNOD HOSPITAL HRIATTIRNA

RNI 68092/83

From

Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII No. 10

E-mail: synodnews@gmail.com A man ₹1/-

OCTOBER 2022

LÂWRKHAWM

SYNOD OFFICE KAI HUN

Synod Office leh Synod hnuai department hrang hrang office kai hun chu tihdanglam a ni a. September 2022 ațanga February 2023 chhûngin zîng dâr 9:30 ațanga tlai dâr 4 thleng office hawn ðhin a ni ang.

RAMTHAR NI HMANG

August ni 31, Ramthar Ni chu kohhran hrang hrangah tuang taka hman a ni. Kumin Ramthar Ni hian ðum khat inkhâwm atân ruahmanna siam a ni a, thupui chu 'Chanchin Tha – Khawvêl Damna' tih a ni.

BEIHRUAL HMANG ZO

September thla, Beihrial thla chu kohhranten tuang takin kan hmang zo leh ta. Beihrial thla hi kum 1918 June thla ațanga hman ðan a ni a, kum 1925 ațanga tûn thlengin September thlaah hman a ni ta. Nilai leh Beihrial Thupui bu hi kum 1947-ah bu khata siam ðan a ni bawk.

NEICORD HOTU THAR

North East India Committee on Relief & Development (NEICORD) Chairman atân leh TransWorld Radio (India) Vice Chairman atân Dr Robert S. Halliday, Superintendent, Synod Office chu thlan thar a ni.

SHSS-IN ðANPUINA HLAN

Ni 16.9.2022 (Zirtâwpni) khân Synod Higher Secondary School chuan Charity Day an hmang a. Hemi pual hian he sikula thawktute leh zirlaiten pawisafai leh buhfai an thawh khâwm a. Hemi ni vêk hian thawktu ðhenkhatin ðanpuina an thawh khâwm buhfai bag 11, dal bag 1 leh pawisafai ₹82,500/- chu Thutak Nunpuitu Team (TNT), Zuangtui hnênah an hlân a ni.

SYNOD RESCUE HOME DAY VAWI 35-NA LAWM A NI

Synod Rescue Home Day vawi 35-na chu September ni 21, 2022 (Nilaini) chawhnu dâr 1:30 khân Synod Rescue Home Chapel, Durtlâng Leitanah lawm a ni. Home Day lawmna programme hi Rev. Lallianmawia Pachuau, Rescue Home Director-in a kaihruai a; Pu R. Lalnuntluanga, Synod Social Front Co-ordinator leh Pi K.C. Lalchhandami, Social Worker-ten report an pe a; Rev. C. Zoramawia, Senior Executive Secretary-in Home Day Address a sawi a; Pu Lalawmpuia leh Ni. Lydia V.L. Nunmawii-ten testimony an sawi bawk. He hunah hian Rescue Home Zai-pawl, Ni. H. Lalremruati leh One in Christ-ten Pathian fakna hla an sa a; Rev. J.H. Zaikima i/c Leitan Pastor Bialin malsâwmnain a ðin a ni.

Synod Rescue Home-ah hian thawktu 29 an awm a, damlo 54 (Mipa 49 leh hmeichhia 5) an awm mek. Damlo admit tawh zawng zawng 6,464 an ni. September

2021–September 2022 chhûng khân mi mal, pawl leh kohhran ațangin ðanpuina sumfai leh thilpêk chi hrang hrang an dawng bawk.

SYNOD FINANCE COMMITTEE VAWI 142-NA A ðU

September ni 7, 2022 (Nilaini) chawhma dâr 10 ațang khân Synod Finance Committee vawi 142-na chu J.M. Lloyd Hall, Synod Office-ah a ðu a, committee member 45 – Aizawl khawpui chhûng ațangin 23 leh Aizawl khawpui pawn ațangin 22 an kal.

Committee hi Rev. Dr Vânlalnghâka Râlte, Synod Moderator-in a kaihruai a, Secretary report leh Finance Officer Report ngaihthlak a ni. Finance Campaign leh Accounts Training, kohhran mal leh Bial hrang hrang 11-ah neih a nih thu te,

Synod Bu 2021 leh Financial report 2021-2022 peih fel a nih tawh thu te Secretary report-ah târ lan a ni.

Tun ðum Synod Finance Committee-ah hian thu ngaihtuah tûr chhawp chhuah (agenda) 9 a awm a, Karbi Anglong Presbyterian Church (KAPC) Synod ðanpuina dîlna chungchâng te, Hmangaihna In Office pindan tihzau nân leh Varanda renovate nâna sum hman dîlna chungchâng te, CBM ațanga Project Fund hmuh hman dîlna chungchâng te, Donation sum hman dîlna chungchâng te chu a langsâr zual a ni.

West Delhi Mizoram Presbyterian Church KOHHRAN PUTLINGAH HLAN KAI A NI

August ni 28, 2022 (Pathianni) khân New Delhi-ah Rev. Dr Vânlalnghâka Râlte, Synod Moderator kaihruainain West Delhi Mizo Presbyterian Church chu Branch Church ațangin kohhran putlingah hlân kai a ni a, Synod Moderator-in Pathian thuchah a sawi. Synod Moderator hi Rev. P.C Pachhûnga, Finance Officer-in a ðawiam a ni.

Delhi Mizo Presbyterian Church (DMPC)-ah hian DMPC ðuthmun kohhran, West DMPC leh North DMPC Inkhâwm te kalpui a ni a. West DMPC hi kum 10 zet chu Mizo Christian Fellowship, Delhi tiin a ding tawh a. September ni 16, 2018 khân Delhi Mizo Presbyterian Church zawmin Branch Church-in a awm ta a ni. Tûnah hian kohhran member 144 an awm mek.

CHANCHINBU LAMNA TUR

Kristian Tlângau, Kristian Naupang leh Synod Newsletter – Synod Office ațanga la ð hînten Synod Office chhâwng hnuai berah lâk ðhin tûr a ni e.

SYNOD Newsletter

EDITORIAL STAFF

Rev. Lalbiaknia
Rev. V.L. Luaia Hranleh
Upa K. Lalnginglova
Zohmingliana Colney

Editorial

THUTIAMA RINAWM

Kohhran mi, Kristian chhûngkaw tina nu leh pate hian thutiam kan nei vek a, kan thutiam neih chhan pawh kan kawppuite lakah leh, Pathian malsâwmna rila rah, kan fate lakah a ni. Baptisma Sakramenah, "In nau hi a lo sei lena a lo puitlin thlengin kan Lalpa Isua Krista rinnaa hruai leh a thu zirtîr in tiam tlat em?" tia min zawhna chu, "Tiam tlat e," tiin kan chhâng a. Kan thutiam avânga baptisma chantîr theih chauh a ni.

Kan thutiam tihlawhtling tûra kan fate—Isua Krista rinnaa hruai, a thu zirtîr hi kan ngaihthah zui duh khawp mai a. Chu chu kan thutiama kan rinawm lohna a ni fo. Rinnaa hruai tûrin kan mawhphurhna hi mi dang kutah kan dah a, kan fate nun a khawloh phah a ni mai âwm mang e. Nu leh pate kan inen fiah a tûl hle. Naupang leh thalai zingah nungchang mawi lo leh aia upate zah nachâng hre lo an tam viau mai te hi nu leh pate mawh a ni ber lo thei lo.

Kan fate laka kan mawhphurhna, Pathian hnêna kan thutiam hi rinawm taka hlen chhuak tûrin tan i la thar teh ang u. Ni tin Pathian thua inkaihruaiin, Isua Krista rinnaa hruai tûrin, tawngtaina nêh tang ila; kohhran leh khawtlâng nun siam thatna tûrin kan thutiama rinawm taka kan din ngheh a tûl takmeuh a ni.

Inneih thutiama kan rinawm a ngai hle baw. Nupui/Pasal nei reng chung a mi dang laka a rûka che sual an awm thîn. Nupa inthen an tam viau baw. Hêngte hi Pathian hmaa kan thutiama kan rinawm lohna a ni a, nghawng tha lo a nei zêl baw. Thutiama rinawm tûrin tan lâk a tûl hle a ni.

PRESBYTERY HMANPUI

Synod puipaten hetiang hian kuminah Presbytery hrang hrangah hun an hmang:

- | | | |
|------------------|---|---|
| 1. Tuipuirâl | – | Rev. Dr Vânlalngâka Râlte, Moderator |
| 2. Chhîmtâwp | – | Rev. Z.D. Lalhmachhuana, Secretary Sr. |
| 3. Tuichângrâl N | – | Upa B. Lalhmunliana, Secretary Jr. |
| 4. Tuivawl | – | Rev. V.L. Luaia Hranleh, Finance Officer |
| 5. Chhimphei | – | Rev. P.C. Pachhûnga, Finance Officer |
| 6. Hmârchhak | – | Rev. Lalsângbera, Statistician |
| 7. Tuichângrâl S | – | Rev. C. Zoramawia, Senior Executive Secretary |
| 8. Khawthlang | – | Rev. Dr K. Lallâwmzuala, Executive Secretary |

NAUPANG INKHAWMPUI : Hripui lêng avânga kum nhîh chhûng a khaihlak hnuah ni 11.9.2022 (Pathianni) khân Bial hrang hrangah Naupang Inkhawmpui hman a ni.

SENIOR DEPARTMENT INKHAWMPUI: September ni 18, 2022 (Pathianni) khan Bial hrang hrangah Senior Department Inkhawmpui luang taka hman a ni.

PRISON MINISTRY : Ni 8–11.9.2022 khân District Jail, Armed Vengah Gospel Crusade neih a ni a; Lalrempuia, Kulikâwn chu Speaker a ni. Ni 15–18.9.2022 khân Central Jail-ah Mipa Ward, Hmeichhe Ward leh Masihi Sangati lamahte Gospel Crusade buatsaih a ni a, speaker-te chu Upa Dêngmingthanga, Kulikâwn; Pu R. Lalchhanhima, Tuikual leh Pi Rûnremsângi Râlte, Ebenezer Team-te an ni. Ni 21–25.9.2022 khân Lawngtlai District Jail-ah Gospel Crusade neiin Rev. Lalhmuchhuaka, Director leh Speaker-te – Lalrempuia leh Lalliantluanga-te an kal baw.

SYNOD SOCIAL FRONT : September ni 18, 2022 (Pathianni) khân Phuaibuang Bialah Social Front Campaign nei tûrin Resource Person-te – Rev. Dr Tlângmingthanga leh Rev. Dr Malsâwmzoliaa leh zaithiam NI. Zoremi Râlte an kal.

Ni 19.9.2022 zân khân E. Lungdâr Vênglun Bial KÏP programme-in Ruihlo leh HIV/AIDS Awareness Campaign neih a ni a, Resource Person-te chu Pu Alan Lalmuanpuia, Pu Robert Lalrempuia leh Upa H. Lalnginglova-te an ni.

ZIN: Ni 20–23.9.2022 chhûngkhân Bangalore ah India Mission Association (IMA) intawh khâwm a awm a. He hunah hian Rev. R. Lalhmingsânga, Secretary, SMB a kal.

Ni 22–24.9.2022 khân PCI Finance Sub-Committee-a tel tûrin Dr Robert S. Halliday, Synod Office Superintendent chu Shillong-ah a kal.

FINANCE : September ni 23, 2022 (Zirtâwpni) khân Sêrchhîp Bialah Accounts Training

pein Pu Zaihmingthanga Fânai, Accountant leh Pu R. Lalbiakdika, OA-te an kal.

MSSU : September ni 24, 2022 (Inrinni) khân Champhai Kanan Bialah Sunday School zirtîrtu training pein Pu Lalhmunzauva Tlau, Asst. Co-ordinator leh MSSU trainer-te – Upa B. Hmingthanruala leh T.Upa Lalthanchhûnga-te an kal. Hemi ni vêk hian Chhiahtlâng Bialah Sunday School zirtîrtu training pein MSSU trainer-te – Upa Dr Lalhmachhuana leh Upa B. Lalhmunliana-te an kal. Hemi ni vêk hian Chhiahtlâng Kâwn Vêng Bialah Sunday School zirtîrtu training pein Pu H.K. Hmingthanzuala, Asst. Co-ordinator leh MSSU Trainer Upa C. Lalbiaksânga-te an kal baw.

CAMPUS MINISTRY : Ni 18.9.2022 khân Senior Department Inkhawmpui hmanpuiin hetiang hian an kal: Lallen Bialah Rev. R. Ramnginglova, Director leh Tv. Lalrinchhana, Counsellor; Ruantlâng Bialah Upa Dr Samuel V.L. Thlanga, Champhai Vêngthlang Bialah Upa Lalnunsiam Khâlthang.

Ni 25.9.2022 (Pathianni) khân Hualngohmun Kohhranah Nu leh Pa Ni leh Kristian Chhûngkaw Ni programme hmanpuiin Rev. R. Ramnginglova, Director a kal.

TRUST : September ni 13, 2022 (Thawhlehi) khân West Phaileng Dintharah Pastor Quarters sak enpuiin Pu Lalhriatrenga, JE a kal.

FIELD COMMITTEE : Sept. 13–26, 2022 chhûngkhân Tripura, Karbi Anglong leh Assam Field-ahte Field Committee neiin Rev. Dr K. Lallâwmzuala, Executive Secretary leh BEC member-te – Rev. Vânlalrova Khiangte leh Rev. C. Chawngliana-te an kal.

PASTOR QUARTERS THAR : Synod Moderator Rev. Dr Vânlalngâka Râlte chuan ni 10.9.2022 chawhma dâr 11 khân Saitual Chhim Vêng Bial Pastor Quarters thar chu Pathian hnênah hlanin a hawng.

Râl Vêngtu

Mi thahnem tak hi Râl Vêngtu hnênah an lo kal a. Mite chuan, "Râl Vêngtu, kan ram leh hnam a lo din chhuah theih nân leh, kohhran leh khawtlâng siam thātna tūrin eng nge kan mamawh hmasa ber le?" tiin an zāwt a.

Râl Vêngtu chuan, "Engati nge in harh chhuah theih loh aw? Mi ram chanchinte hi in hriain in sawi zut zut a, chūng aṭang chuan finna nei tawh tūr hi chu in ni maw le. In harh thei tlat lo hi a pawl a nih hi!" a ti a.

Mite chuan, "Kan ram hi vei a ngai hle mai si a, kan tih tūr leh nun dân tūr min hrih kan mamawh a ni," an ti a.

Râl Vêngtu chuan, "Hmānlaiin China ramah khian, ram dang laka invên him nân kulh bang ropui leh sei tak an siam a, an thlamuanpui hle a. Nimahsela, an siam zawh aṭanga kum zā chhungin ram dangin vawi thum nasa takin an rûn asin. Hmêlmain an rûn theihna chhan chu kulh kawngka vêngtute sumin an tham a, an rûn leh mai thîn. An sipaite thilungah rinawmna an tuh nghet lo va, kulh bang sei leh rinawm chu an him phah chuang lo. Nangni pawh rinawmna leh dikna in neih loh chuan, in kawng siam a chhe awl reng ang a, in lei dawh a chim fo vang a, contract hnathawh a chhiain mipui in phun reng ang a, in intodelh thei lo vang a, kut hnathawktute an bet reng ang a, zu leh drug-in a ei chhe zêl ang che u a, AIDS vei in pung zêl ang a, zirna a tlahniam zêl ang. Chuvângin, rinawmna hi ngai pawimawh hmasa ber rawh u," tiin a hrih ta a.

Mite chuan, "Râl Vêngtu, kan ram mamawh hmasa ber chu rinawmna a lo nih tāk chu maw le! Rinawm turin kan lo inzirtir ang e," an ti a, an haw ta dum dum a.

NU LEH PA NI LEH KRISTIAN CHHUNGKAW NI :
Ni 25.9.2022 kha kohhran ni pawimawh a ni a. Chawhnuah Nu leh Pa Ni hman a ni a, 'Nu leh Pa hlutna' tih thupui zir a ni. Zānah Kristian Chhūngkaw Ni hman a ni a, 'Pathianin kan chhūngkuua chên a duh' tih thupui zir ho a ni thung.

SYNOD HOSPITAL, DURTLÂNG THILPÊK DAWNTE (August 2022)

I. CHARITY FUND

1. R. Vānlavēna, Durtlāng Leitan	₹ 500
2. Jerry Lalēngzauva, Bethlehem Vēngthlang, Aizāwl	₹ 1,000
3. Bīlkhawthlīr Hmār Vēng Kohhran	₹ 10,000
4. Bethlehem Vēnglai Pastor Bial Pavalai Pāwl	₹ 10,000
5. Hliappui Pastor Bial Kohhran Hmeichhia	₹ 10,000
6. Bethlehem Vēnglai Kohhran Hmeichhia	₹ 50,000
7. Sesawng Kohhran Hmeichhia	₹ 5,000
8. Ṭumpui Kohhran, Kolasib	₹ 10,000
9. Pu Zodinliana, Mission Vēng	₹ 2,000
10. Luangpāwl Kohhran Hmeichhia	₹ 5,000
11. Pu Khūma, Bāwngkāwn	₹ 1,000
12. Mamit Field Vēng Kohhran Hmeichhia	₹ 10,000
13. Hunthar Kohhran Hmeichhia, Aizāwl	₹ 20,000
14. Vaivakāwn Pastor Bial Kohhran Hmeichhia	₹ 20,000
15. Lungdai Hmār Vēng Kohhran	₹ 1,000
16. Maubāwk Pastor Bial Kohhran Hmeichhia, Aizāwl	₹ 20,000
17. Dr. Lalmalsāwma Nghāka, D-3 Business Enterprise	₹ 5,000
18. Synod Hospital GNM, 1972 Batch - Golden Jubilee dam taka an thlen tlan pualin	₹ 11,830
19. R. Malsāwmkima, Dawrpui	₹ 5,000

II. GRACE HOME TANA PETE

1. Zonuam Kohhran Hmeichhia, Aizāwl	₹ 20,000
2. R. Malsāwmkima, Dawrpui	₹ 3,000

III. THISEN PETUTE

	Unit zāt
1. KṬP, Tuikual Branch	44
2. KṬP, Chhīnga Vēngthlang Branch	35
3. ṬKP, Mission Vēngthlang Pastor Bial	38
4. KṬP, Bethlehem Vēngthlang Branch	55
5. KṬP, Electric Vēng Branch, Aizāwl	51

IV. THIL DANG PETUTE

1. Kāwnpui Chhim Vēng Kohhran Pavalai Pāwl – Synod Hospital leh JW Hospital, Lunglei tân IV Stand 20 (10 ve ve).
2. YMA, Chawnpui Vēng Branch, Aizāwl – Mitthi khuhna puan 25
3. KṬP, Chhīnga Vēngthlang Branch – Godrej Steel Almirah lian ṭha tak 1
4. Parvatui Kohhran Pavalai Pāwl – Ṭhutthlēngsei 5
5. Durtlāng Pastor Bial Kohhran Hmeichhia – College of Nursing tân ₹ 50,000

V. PAWISA DAWN ZAWNG ZAWNG – ₹2,70,330/-

Rev. R. Ramdinmawia
Chaplain, Synod Hospital, Durtlāng

KOHRAN HMEICHHE HRIATTIRNA

Mizoram Presbyterian Kohhran Hmeichhiate enkawl Women Centre, Phunchawngah kum 2023 chhūng atān Puanṭhui leh Puanṭah zir dīlna hawn a ni leh ta a. Presbyterian Kohhran dân chhūnga awm tân dīl theih a ni. Puanṭhui hi kum khat zir tūr a ni a, puantah zirna erawh chu kum khatah Batch thum (January–April, May–August, September–December) a ni ang. Puanṭhui zir tūr mi 40 leh Puanṭah zir tūr Batch tin atān mi 10 zêl lāk tūr a ni a. Dīlna form chu Bial tin Kohhran Hmeichhe Secretary hnênah leh Kohhran Hmeichhe Department, Synod Office, Aizāwlah lam theih a ni. Dīlna form la chhuak remchāng lo tân Bial tin Secretary hnênah pdf thawn chhuah a ni. Dīlna hi office lama theh lūt thei lote tân a hnuai Phone No. târ lanahthe hian online pawhin theh luh theih a ni.

Dil theih hun chhūng	:	Ni 16.11.2022 (Nilaini) chawhnu dār 2 thleng
Interview	:	Ni 18.11.2022 (Zirtāwpni) chawhma dār 10
A hmun	:	Committee Room–I, Synod Office
Centre-a luh hun	:	Ni 13.1.2023 (Zirtāwpni)

Dīlna chu hēng number-ahte hian WhatsApp hmangin thawn theih a ni : 9862306787 leh 8731000964.

(REV. V.L. LUAIA HRÄNLEH)
Executive Secretary i/c Kohhran Hmeichhia

PATHIAN THU ZIR DUH TAN

Presbyterian Bible School, Mission Vēng, Aizāwlah C.Th. (Certificate in Theology) admission hawn mēk a ni a. Dīl duh chuan hēng hi hriat tūr a ni e:

1. Admission Form hi Office-ah ₹10/-a lei tūr a ni a, December ni 13, 2022 (Thawhlehi) tlai dār 3 thleng PBS Office-ah theh luh theih a ni. Dīlṭu chu Class VII pass/Middle School Exam pass, kum 16 aia naupang lo, kohhran dân chhūnga awm a ni tūr a ni.
2. Interview: December ni 16, 2022 (Zirtāwpni) chawhma dār 10-ah PBS Lecture Hall-ah neih a ni ang. January ni 12, 2023 (Ningani)-ah class ṭan a ni ang.
3. Zir hun chhūng thla li, i.e January–April, 2023 a ni a. Hre Chiang duh tân Ph. No. 2317343 leh 8296035491-ahte zawh fiah theih a ni. Hostel a awm lo va, zir tūrte chu awmna tūr inngaihtuah mai tūr a ni.

Rev. Lalrinsānga
Principal, Presbyterian Bible School



SUNHLUCHHIP KOHRAN SAWMNA

Sunhluchhîp Kohhran (Dârlâwn Vênglun Bial) chuan October ni 27&28, 2022 khian an kohhran kum 25 tlin (Silver Jubilee) an lâwm dâwn a. He hun hmanpui tur hian he kohhrana lo lawi tawh zawng zawng leh he kohhran bialtu Pastor leh Pro. Pastor-a lo awm tawh zawng zawng an sawm a ni. Ni 27 hi thalaite huaihawtin sports lama hman a ni ang a; ni 28-ah hian lungphun hawn, inkhâwm leh ruai t̄heh a ni ang.

PARVATUI KOHRAN SAWMNA

Pârvatui Kohhran chuan November ni 22–24, 2022 chhûng khian an kohhran centenary an lâwm dâwn a. He hun hmanpui t̄ur hian Pârvatui Kohhrana lo lawi tawh zawng zawng leh Bialtu Pastor leh Pro. Pastor lo ni tawh zawng zawng an sâwm a ni.

RENGDIL KOHRAN SAWMNA

Rêngdîl Kohhran chuan October ni 25–30, 2022 chhûng khian an kohhran centenary an lâwm dâwn a. He hun hmanpui t̄ur hian Rêngdîl Pastor Bial lo vawng tawhtu Pastor-te, Rêngdîl Kohhran aṅanga missionary-a chhuakte, Rêngdîl Kohhrana lo lawi tawh th̄in zawng zawngte leh he hun ngaihhlutpuitu zawng zawng an sâwm a ni.

KOHIMA PASTOR BIAL KOHRAN HMEICHHE SAWMNA

Kohima Pastor Bial Kohhran Hmeichhiate chuan October ni 15, 2022 (Inrinni) khian Kohima Presbyterian Kohhran Biak Inah Silver Jubilee an lâwm dâwn a. He hun hmanpui t̄ur hian Kohima Pastor Biala lo awm tawhte leh Pastor-a lo awm tawh zawng zawngte an sâwm a ni.

SUPERVISOR-IN PES TLAWH

September ni 7, 2022 (Nilaini) khân Pu P.C. Vânlalruaia, Supervisor of Schools chuan PES pahni – Hortoki PES leh Kâwnpui PES-te a tlawh.

WORSHIP

September ni 7–9, 2022 chhûng khân Ṭawipui North II-ah Music Training pein Pu Benjamin Sailo, Music Instructor leh Tv. Vânranghâka-te an kal.

PRAISE ON HLANNA INKHAWM HMANG

Synfo leh Central KṬP ṭang kawpin an buatsaih ‘Praise On 2022 Mal Zai Intihsiak’ chu September ni 20, 2022 (Thawhlehi) zân dâr 8:30 khân Mission Vêng Kohhran Hall-ah Pathian hnêna hlan a ni. Hlanna inkhâwmah hian Upa Rochungnunga, Central KṬP General

Secretary-in hunserh a hmang a, Organizing Secretary-in inhmêlhrattirna hun hmangin report a pe nḡhâl a, Rev. C. Zoramawia, Senior Executive Secretary-in Praise On 2022 Mal Zai Intihsiak t̄ur chu ṭawngṭaiin Pathian hnênah a hlan a ni.

SYNOD HIGHER SECONDARY SCHOOL-IN DIAMOND JUBILEE LAWM

Synod Higher Secondary School chuan an kum 60 tlin (Diamond Jubilee) pualin Sept. 15 & 16, 2022 khan School NSS Unit bul tumin an Multipurpose Hall-ah a mamawh apiang t̄an thisen unit 207 an pe a, thisen petute hi mipa 166 leh hmeichhia 41 an ni. Diamond Jubilee puala thisen pêk buatsaihah hian t̄una zirlai leh thawktu ni mekte bâkah zirlai lo ni tawh mi eng emaw z̄atin thisen an pe.

Synod Higher Secondary School hian a thlâwna thisen pêk hi a ngai pawimawh hle a, April 2020–March 2021 academic session chhûng khân unit 121 pein, Higher Secondary School category-ah Association

for Voluntary Blood Donation (AVBD) chuan thisen pe hnem berah puangin thuziak mawi tak a lo hlan tawh a; April 2021–March 2022 academic session-ah unit 104 pein, AVBD chuan thisen pe hnem berah puang leh thuziak mawi tak a hlan leh baw a ni.

April 2020–March 2021 academic session chhûng khân Sports Minister’s Trophy for Voluntary Blood Donation First Prize dawngin thuziak mawi tak leh ₹50,000/- hlan an ni a. Sept. ni 23 khan Vâna Pa Hall-ah April 2021–March 2022 academic session-a Sports Minister’s Trophy First Prize an dawng leh bawk.

SYNOD CHOIR MUSIC VIDEO TLANGZARH

Kum 2022-2024 term Synod Choir chuan an music video hmasa ber ‘Ka fak tâwk zo lo’ng’ tih chu ni 13.9.2022 zân khân an tichhuak a, Rev. Dr F. Pachhûnga, Central KṬP Leader-in Pathian hnênah hlanin a tlangzarh a ni. Tlangzarh inkhâwm hi Choir Cabin, Synod Conference Centre-ah hman a ni. He hla hi R. Vânlalruata, Synod Choir member lehlin a ni a,

Kings & Prophets-ah recording tih niin HC Recording chuan mixing an khawih a, a music hi Muanpuia kutchhuak niin, Milestone Picture-in a video an khawih thung. Synod Choir 2022-2024 hi rawngbâwlin an chhuak ṭan mêk a, sâwmna pawh eng emaw z̄at a awm tawh bawk. Member hi mi 24 niin an conductor Tv. Benjamin Pazâwna nêni mi 25 an ni.

PRESBYTERIAN ENGLISH SCHOOL ONE DAY TRAINING

September ni 20, 2022 (Thawhlehi) khân Lungdai Hmâr Vêng Kohhran Hall-ah One Day PES Teachers’ Training neih a ni a. He hunah hian PES panga – Durtlâng PES, Bûkpui PES, North Hlimen PES, Lungdai PES, Sihphîr Vênglai PES, Sihphîr PES aṅangin zirtirtu 80 leh Lungdai Bial Pastor leh a

thlengtu PES Management Board member kohhran aṅangin mi 13 an tel bawk. He Training-ah hian Synod Office aṅangin Pu PC Vânlalruaia, Supervisor of Schools leh Pu Lalvêna Hnamte, Synod HSS Principal leh Synod Education Board Secretary lo ni tawhte an kal.

SYNOD HOSPITAL HRIATTIRNA

Synod Hospital chuan Doctor Specialist pahni a nei thar a, hetiang hian râwn theih an ni ang:

1. **Dr Lalmalsâwmi Râlte, MS (Ortho)** : Synod Hospital OPD-ah Ningani leh Inrinni apiangin inentir theih a ni ang.

2. **Dr Vânlalkima, Obs. & Gynae** : Synod Hospital OPD-ah Thawhlehi, Zirtâwpni leh Inrinni apiangin inentir theih a ni a, Nilaini apiangin Dr Fraser’s Clinic, Mission Vêngah inentir theih a ni baw ang.

Laboratory khâwl thar : Dr Fraser’s Clinic, Mission Vêngah Laboratory khâwl thar – Fully Automated

Biochemistry Analyser leh Parts Haematology Cell Counter Councell-23 Excel dah a ni. Hêng khâwl thar hmangte hian thisen test chi hrang hrang – Kidney function test (KFT), Liver function test (LFT), Lipid Profile, Blood Sugar, Complete Haemogram leh a dangte a tih theih a. Malaria, Typhoid, Scrub Typhus, Dengue, Leptospirosis, Hepatitis B and C-te a tih theih bawk. Fraser’s Clinic Laboratory-a tih rêmchang mai lo pawh Synod Hospital Laboratory-a test t̄urin sample a lâk theih reng baw a ni.

– Director, Synod Hospital